



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

B. Gregorivus In Epistola Ad Joannem episcopum CP. de quinta Synodo haec
habet.

urn:nbn:de:hbz:466:1-15324

ANNO
CHRISTI
535.

Considerate igitur, fratres mei, & dum Deo adhuc expectante, omni incerto vitæ sine permittimur, vigilantia cura perpendite, quia illam scissionem sanctæ ecclesiæ pro Theodoro facere fraternitas vestra non metuat, quam pro se vel profiteri Paulus expavit. Cur non ad memoriam pro unitate seruanda beati Augustini dictum reducitur? qui dum de vnico baptisate loqueretur, idcirco Cyprianum martyrem, qui de iterando baptisate scripserat, defunctum perhibuit, quia licet prauum quid senserit, nunquam tamen se a totius ecclesiæ communionem suspendit. Sic igitur permanere in sanctitate * seruante constat, fratres dilectissimi, quia dum vos ab ecclesiæ unitate disiungitis, omne virtutis meritum perdidistis etiam si recte teneatis. scriptum quippe est: *Pacem sequimini cum omnibus & sanctimoniam, sine qua nemo videbit Dominum.*

August. lib.
de vnico
baptis.

Hebr. 12.

XXIII.

Multa locuti sumus, quia & ad multa ratiocinando respondimus. Et cum testimonia ex patrum dictis innumera suppeterent, perpauca posuimus: videlicet cupientes vt scripta nostra in causis singulis narratio breuiata succingeret, ne fortasse tedium legenti generarent. Vnum tamen quod iam superius diximus, non tædet si etiam crebro replicemus: Quia fidem sanctæ Calchedonensis Synodi illibatam per omnia Deo auctore seruamus, eiusque definitiones, sicut Ephesinæ primæ, Constantinopolitanæ, ac Nicænæ Synodi irretractabiles nunc vsque tenuimus, & vel morte proposita irretractabiles custodimus. Vestra igitur dilectio communionem fidelium orthodoxorum fratrum non fugiat, ne præsentis vocis nostræ adiutorium si audire neglexerit, contra se in testimonium vertat. Nos autem ad Dominum post verba recurrimus, eumque quantum possumus fletibus exoramus, vt hoc quod vobis ad sequendam concordiam a nobis dicitur, ipse in vestris mentibus manu intimæ inspirationis operetur.

B. GREGORIVS IN EPISTOLA AD
Joannem episcopum CP. de quinta Synodo
hæc habet.

PRÆTEREA, quia corde creditur ad iustitiam, ore autem confessio fit ad salutem: sicut sancti euangelii quatuor libros,
Concil. Tom. 12.

Lib. 1. ep. 14
Rom. 10.

P P

fic quatuor Concilia suscipere & venerari me fateor: Nicænum scilicet, in quo peruersum Arii dogma destruitur: Constantinopolitanum quoque, in quo Eunomii & Macedonii error conuincitur: Ephesinum etiam primum, in quo Nestorii impietas iudicatur: Calchedonense vero, in quo Eutythis, Dioscorique prauitas reprobat, tota deuotione complector, integerrima approbatione custodio: quia in his velut in quadrato lapide, sanctæ fidei structura confurgit, & cuiuslibet vitæ atque actionis norma consistit. Quisquis eorum soliditatem non tenet, etiam si lapis esse cernitur, tamen extra ædificium iacet. Quintum quoque Concilium pariter veneror, in quo epistola quæ Ibæ dicitur, erroris plena, reprobat: Et Theodorus personam mediatoris Dei & hominum in duabus subsistentiis separans, ad impietatis perfidiam cecidisse conuincitur. Scripta quoque Theodoriti, per quæ beati Cyrilli fides reprehenditur, ausu dementiæ prolata refutantur. Cunctas vero, quas præfata veneranda Concilia personas respuunt, respuo: quas venerantur, amplector: quia dum vniuersali sunt consensu constituta, se & non illa destruit, quisquis præsumit aut soluere quos ligant, aut religare quos soluunt. Quisquis ergo aliud sapit, anathema sit. Quisquis vero prædictarum Synodorum fidem tenet, pax ei sit a Deo Patre per Iesum Christum Filium eius.

EIVSDEM EPISTOLA AD EPISCOPOS
Hiberniæ de causa trium capitulorum.

Lib. 1. ep. 36

SCRIPTA vestra summa cum gratulatione suscepi: sed erit in me vberior valde lætitia, si mihi de vestra contigerit reuersione gaudere. Prima itaque epistolæ vestræ frons grauem vos pati persecutionem innotuit. Quæ quidem persecutio dum non rationabiliter sustinetur, nequaquam proficit ad salutem. Nam nulli fas est retributionem præmiorum expectare * pro culpa. Debetis enim scire, sicut beatus Cyprianus ait, quia martyrem non facit poena, sed causa. Dum igitur ita sit, incongruum nimis est de ea vos, quam dicitis, persecutione gloriari, per quam vos constat ad æterna præmia minime prouehi. Reducat ergo caritatem vestram tandem integritas fidei ad